



STRANDABYGGÐ

SÖL ER SKÝJA SKJÓLDUR OG SKIÐANDI RÖÐULL OG ÍSA ALDRITREGI

Styrktar- og samstarfssamningur milli Skíðafélags Strandamanna og Strandabyggðar

Sveitarfélagið Strandabyggð, kt. 570806-0410, og Skíðafélag Strandamanna 510100-2120, gera með sér eftirfarandi styrktar- og samstarfssamning.

1. gr.

Markmið og tilgangur

Markmið þessa samnings er að skilgreina og efla tengsl og samskipti milli sveitarfélagsins Strandabyggðar og Skíðafélags Strandamanna. Samningnum er ætlað að styðja við æskulýðs- og íþróttastarf sem fram fer á vegum Skíðafélags Strandamanna, íbúum sveitarfélagsins til heilla. Með samningnum viðurkennir Strandabyggð hið mikilvæga hlutverk sem Skíðafélag Strandamanna gegnir gagnvart íbúum sveitarfélagsins.

Skíðafélag Strandamanna skal vinna að hefðbundnu hlutverki íþróttafélags, ræktun lýðs og lands. Það tryggi öllum jöfn tækifæri til að stunda íþróttir við hæfi, hafa aðgang að upplýsingum og aðstöðu á vegum félagsins.

2. gr.

Afnot af íþróttamannvirkjum

Sveitarfélagið Strandabyggð veitir Skíðafélag Strandamanna afnot af Íþróttamiðstöðinni á Hólmavík. Einnig veitir sveitarfélagið aðstöðu í félagsheimili til funda og viðburðahalds. Leiga vegna afnota Skíðafélags Strandamanna af þessum mannvirkjum er færð í bókhaldi Strandabyggðar sem óbeinn styrkur til félagsins. Upphæð leigunnar tekur mið af gildandi gjaldskrár hverju sinni.

a) Íþróttamiðstöðin á Hólmavík

Skíðafélag Strandamanna fær styrk frá Strandabyggð vegna húsaleigukostnaðar vegna íþróttæfinga félagsins sem fram fara í Íþróttamiðstöðinni á Hólmavík. Tímasetningar æfinga skulu ákveðnar í samráði við forstöðumann Íþróttamiðstöðvarinnar og ætlaðar ungmennum að 18 ára aldri. Um er að ræða allt að 4 tímar vikulega. Einnig er innifalið í samningi æfingahelgar allt að tvisvar að hausti og tvisvar að vori. Sveitarfélagið ber kostnað af aukaopnum þessar æfingahelgar svo fremi að ekki sé hægt að vera innan opnunartímans. Notkun félagsins á Íþróttamiðstöðinni á Hólmavík er gerð upp ársfjórðungslega miðað við stundatöflu æfinga og færð sem styrkur á Skíðafélag Strandamanna.

b) Félagsheimili

Skíðafélag Strandamanna hefur heimild til að nota Félagsheimilið á Hólmavík vegna funda og viðburðahalds í samráði við forstöðumann félagsheimilis eða skrifstofu Strandabyggðar.



STRANDABYGGÐ

SOL ER SKÝJA SJÓLDUR OG SKJANIR RÖÐULL OG ÍSA ALDURTREGI

3. gr.

Skuldbindingar vegna framlags

a) Íþróttæfingar

Skíðafélag Strandamanna skuldbindur sig til að halda úti æfingum fyrir börn á grunnskólaaldri að vetri.

b) Ársreikningur

Aðalstjórn Skíðafélags Strandamanna skuldbindur sig til að skila ársuppgjöri og starfsskýrslu félagsins til skrifstofu Strandabyggðar á hverju ári samningstímans, svo fljótt sem kostur er. Skíðafélag Strandamanna heimilar með samingi þessum birtingu ársskýrslu á vef sveitarfélagsins.

c) Fjárhagslegur styrkur

Skíðafélag Strandamanna hefur kost á að sækja um styrk á móti fasteignagjöldum ár hvert samkvæmt reglum þar um og á eyðublaði sem birt er á heimasíðu sveitarfélagsins.

d) Umgengni

Skíðafélag Strandamanna skal ganga eins vel um íþróttamannvirkin og kostur er og farið eftir reglum sem gilda í íþróttahúss og félagsheimilis hverju sinni. Ef þörf er á viðhaldi skal félagið gera starfsmönnum Strandabyggðar viðvart (forstöðumanni íþróttamiðstöðvar, umsjónarmanni félagsheimilis, skrifstofu eða áhaldahúsi).

Félagið skal vera meðvitað um öryggiskröfur við mannvirkin hverju sinni og fylgja þeim eftir. Félagið banni ætíð vörslu og neyslu tóbaks, áfengis eða annarra vímuefna á æfingum, mótum eða öðrum samkomum á vegum þess.

4. gr.

Slysaftrygging ungmenna

Sveitarfélagið Strandabyggð slysaftryggir börn og ungmenni 18 ára og yngri við skipulagðar æfingar og keppni innanlands með sömu tryggingarskilmálum og börn og ungmenni í grunnskólum. Ábyrgðarmenn innan Skíðafélags Strandamanna sjá um útfylla allar nauðsynlegar skýrslur tengdar slysum í starfsemi félagsins og koma þeim til sveitarfélagsins.

5. gr.

Vanefndir samnings

Víki Skíðafélag Strandamanna í verulegum atriðum frá þeim markmiðum sem fram koma í 1. og 4. grein samningsins, er Strandabyggð heimilt að taka framlag sitt til félagsins til endurskoðunar, að undangenginni skriflegri aðvörun til stjórnar Skíðafélags Strandamanna.

Báðir samningsaðilar geta krafist riftunar á samningi þessum. Tilkynning um riftun skal vera skrifleg og fellur samningurinn úr gildi þremur mánuðum eftir að slík krafa hefur borist riftunarþola. Frá og með þeim tíma falla úr gildi allar skyldur og réttindi samningsaðila.

6. gr.

Gildistími og endurskoðun

STRANDABYGGÐ HAFNARBRAUT 25 510 HÓLMÁVÍK KT:570806-0410

SÍMI 451-3510 BANKI 1161-26-1 NETFANG: STRANDABYGGD@STRANDABYGGD.IS VEFUR: WWW.STRANDABYGGD.IS



STRANDABYGGÐ

SOÐ ER SKYJA SÖJÖLDUR OG SETUASÍÐI RÖÐULL OG ÍSA ALDURTREGI

Samningur þessi gildir frá og með 1. september 2024 til 31. desember 2026. Samningsaðilar geta lagt fram beiðni um endurskoðun samningsins með að minnsta kosti þriggja mánaða fyrirvara. Þetta á við ef upp koma hugmyndir um nýjungar, ný verkefni eða ef forsendur breytast verulega. Beiðni um endurskoðun verður að koma á framfæri áður en árleg vinna við fjárhagsáætlun hefst, eigi síðar en 1. október ár hvert.

7. gr.

Ágreiningur og málarekstur


Komi til ágreinings varðandi skilning á samningi þessum getur hvor aðili um sig skotið slíkum ágreiningi til úrskurðar gerðardóms, sem þannig sé skipaður: Hvor aðili um sig tilnefnir einn mann í dóminn auk oddamanns sem valinn er með samþykki beggja samningsaðila.

Komi til málshöfðunar út af samningi þessum skal sækja málið fyrir Héraðsdómi Vestfjarða.

Samningur þessi er undirritaður að fenginni staðfestingu sveitarstjórnar Strandabyggðar og stjórnar Skiðafélags Strandamanna.

Hólmavík 25.3.2025

F.h. Strandabyggðar:


Salkjör Einarsson

F.h. Skiðafélags Strandamanna:

Ragnar Bragason